



## Միպիլ

### Արցունքները

Արցունքներ կան շիթ-շիթ տըրտում, մելամաղձոտ,  
Որոնք կույան կաթկըթելով այտին վըրա,  
Ամեն կաթիլ հեծկըլտանք մը, կոծ մ'է թախձոտ.  
Իր ցողին մեջ տառապանք մը կը թըռթրոտ:  
Արցունքներ կան պայծառ ու ջինջ և անխըռով,  
Որ արևու նըշույլներով կը փողփողեն,  
Ծիրանաձին անձրևի պես հանդարտ ու գով  
Երբ որ տեղան, օդը բույր մը կառնեն հողեն:  
Լուռ, անշըշուկ, խորհրդավոր արցունքներ կան,  
Որ կը բերեն հոգվույս խորեն սիրո կարոտ.  
Անոնք ցավեր մեզ կը պատմեն երկայն-երկայն,  
Թաղված սերեր, գոր կընքած է սուզին նարոտ:  
Արցունքներ կան, որոնք քրքիջ ինձ կը թըվին,  
Միշտ գոռացող ամպին նըման փոթորկահույզ,  
Որ փայլակներ թոթափելով ծովին, հովին,  
Մըշուշի պես կը փարատին կեդրոնախույս:  
Արցունք մ'ալ կա, որ միշտ կ'այրեն, բայց չի կաթիր,  
Հեղուկ բոց մը, բուռն ըսպատիչ, ահեղ կըրակ,  
Ցանքած արցունք, որ չի հատնիր՝ մինչև մոխիր  
Կըտրին աչքերն, հոգին դառնա կույտ մ'ավերակ:  
Ո՛վ արցունքներ, ամենքիդ ալ ես կը ճանչնամ,  
Թեև դըժբախտ իմ օրերուս հուշերն ըլլաք,  
Ձերն հուզմունքով ըզձեզ կօրհնեն ես հարաժամ,

Ձեզմով կ'զգամ սրբտիս ապրիլն ես շարունակ:

1907